



Služba za privredu
Broj:02/1-15-19-2947/23
Breza, 22.09.2023. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na vijećničku inicijativu

Na sjednici Općinskog vijeća Breza održanoj dana 03.08.2023. godine, u okviru vijećničkih pitanja, vijećnik Emir Nefić pokrenuo je vijećničku inicijativu koja se odnosi na postavljanje novih rasvjetnih tijela, i ista glasi:

„Postavljanje nove led rasvjete na već postojećim stubovima ispred JU Dom Zdravlja. JU Dom Zdravlja koja je na raspolaganju svim našim građanima mora da ima prilaz koji je adekvatno osvijetljen“

U vezi pokrenute inicijative dajemo sljedeći odgovor:

Obzirom da se radi o starim stubovima na kojima ne postoji mogućnost ugradnje led lampe, osvijetljenje navedenog dijela ulice potrebno je planirati u programu održavanja sistema javne rasvjete za narednu godinu. U tom smislu od strane stručnih lica koja budu učestvovala u izradi programa izvršit će se uviđaj na terenu, utvrditi tehnička mogućnost dogranje i izraditi predmjer i predračun potrebnih radova koji će se uvrstiti u program održavanja sistema javne rasvjete za narednu godinu.

Obrađivač: Kenan Kadrić


Dostavljeno
1 x Naslov
1 x a/a

Pomoćnik načelnika

Salih Hasanspahić



Služba za privredu
Broj: 02/1-13- 23- 2935 /2023
Breza, 19.09.2023.god.



Stručna služba Općinskog vijeća

Predmet: Odgovor na pokrenutu inicijativu, dostavlja se

Poštovani,

Na sjednici Općinskog vijeća Breza održanoj dana 03.08.2023. godine, u okviru vijećničkih pitanja, vijećnik Mirnes Bašić, u pismenoj formi je pokrenuo vijećničku inicijativu koja glasi:

„Inicijativa za pokretanje postupka usklađivanja ili odobravanja i registracije redova vožnje za redovni javni autobusni linijski prevoz putnika na području općine Breza sa obrazloženjem u prilogu.“

U vezi pokrenute vijećničke inicijative dostavljamo sljedeći odgovor:

Općina Breza je u toku 2017. godine u skladu sa zakonskim propisima provela postupak usklađivanja redova vožnje linijskog prevoza putnika na općinskim autobusnim linijama za period 2018.- 2021. godina i isti su bili usklađeni sa radnim vremenom radnika RMU Breza kao najvećim potencijalnim korisnikom linijskog prevoza.

Važenje registrovanih redova vožnje je u skladu sa članom 25. Zakona o cestovnom prijevozu Federacije BiH produženo. Međutim, zbog malog broja korisnika linijskog prijevoza svi polasci registrovanih redova vožnje se ne održavaju od strane prevoznika. Održavaju se polasci koji su usklađeni sa ugovorenim prijevozom učenika osnovnih škola koje finansira Ministarstvo obrazovanja Ze-do kantona.

Obzirom na vrijeme koje je prošlo od zadnje registracije redova vožnje i interesovanja prevoznika postoji potreba za registracijom novih redova vožnje, pa u tom smislu Općina Breza, odnosno Općinski načelnik će pokrenuti postupak ponovnog usklađivanja i registracije novih redova vožnje.

S poštovanjem!

Obrađivač: Edvina Kadrić-Velić

Dostavljeno:

1 x Naslov

1 x a/a



Pomoćnik načelnika

Salih Hasanspahić